

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第八十輯

沈雲龍主編

康南海書牘  
康有爲著

文海出版社  
有限公司印行

康有為先生著

康南海書牘

吳榮書



康南海書牘目錄

上卷

覆袁總統書

附袁總統來書

(一)

再覆袁總統書

附袁總統來書

(二)

三覆袁總統書

附袁總統來書

(三)

致曲阜孔教會書

上袁總統書

附袁總統來書

致龍督李翁長書

致徐國務卿書

附徐國務卿來書

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



覆山東孔道會書

覆教育部書

請剪髮易服摺

請廣開學校以養人才摺

請廣譯日本書大派游學摺

請定立憲開國會摺

請尊孔聖為國教立教部教會以孔子紀年而廢淫祀摺

祭朱鼎甫侍御文

辛亥臘遊箱根與梁任甫書

上清帝第一書

上清帝第三書

康南海書牘卷上

覆袁總統書

亡人負罪久播異域有母八十莫奉尸簣遂竟見背永維哀悼崩摧肺肝過承厚  
賻感刻不任匍匐奔喪未及言謝途次得門人梁啓超電轉述尊意拳拳故人歸  
國則待以特殊之上位還鄉則代籌營備之未週昨抵香港又接須磨寄來東京  
使館轉明公冬電隆文稠疊辱以蒲輪召還蘇武傷其去國之久訪於箕子本無  
陳疇之材新然哀經不入公門母死謂何敢有他志加以兩世之先塋被掘廿年  
之遺骨須收痛絕撫棺並陳新舊悽涼營葬難返鄉閭重以寡姊六十病乳三載  
沉綿牀褥天忽朝夕是以魂魄飛越豈知人世固無心預聞政治難補涓埃更無  
由北首燕路上承明閔伏望明公幸垂矜原若夫大教淪胥人心陷溺則中國可  
亡而種族隨之實為遂古所無之變同於金甲無避之義他日誓墓餘生未忘扶  
持所至託於徇鐸尊聖銜道想公同心冀公援手聖教幸甚稽顙鳴謝

謝袁總統來書 (二)

去國念年困心衡慮大著發抒政見足為薄俗鍼砭欽仰無似凡河汾弟子

京洛故人均言先生不願從政而有意主持名教舉國想望丰采但祈還轅  
祖國絕不敢強以所難敬其蒲輪鶴候明教何日稅駕渴盼德音

再覆袁總統書

強學舊游相望垂白記室騎兵庶范雲之善記訪澤加腹存巖陵之故人問道求  
言三徵未已猥以銜恤莫酬隆禮情豈忘於憂國而創深巨於思親不呼喪門幸  
惟垂憫承許翼教相助拯救人心感不去懷中國猶有望耶昔蒲公草創入魯而  
禮太牢漢宗尊聖登堂而躬下拜頃歲俎豆停廢絃誦斷絕人無尊信手足無措  
四維不張國滅可憂伏望明公親拜文廟或就祈年殿尊聖配天令所在長吏春  
秋朔望拜謁禮聖下有司議令學校讀經必可厚風化正人心區區迂愚竊用報  
禮幸祈裁察

附袁總統來書 (三)

昨奉復電既觀望於高蹈仰感敷於純孝奪情之舉固非敢施於守禮君子  
避世之行又宜所望於愛國仁人所望葬祭粗完旌車仍戾發德偉抱於式  
國人比者大教凌夷橫流在目問俗覘國動魄驚心匪有大哲孰為修明執



事毅然以此自任其餘正人心培國本之功又豈今之從政者所可擬綿力所連敬當共贊霜風垂厲諸維節哀為道自重

三履袁總統書

曾復文電想達記室頃由龍都督李民政長轉到即日文電懇懇奉念垂存故人仰見明公搜岩訪獻求治之盛心鄙人何以當之兢兢在疚自念得罪久亡重遇變革致八十餘倚閭盈盈望絕不孝之罪上通於天頃歸省適澤觸處崩痛執杯因而慟絕撫几筵而隕心物在人亡形存神悴加割傷未愈衰病侵羸寡姊病危奄在旦夕雖憂國難望而思親未已幸曲賜惠憐俾盡哀慕亦明公教孝之義或補清化垂涕感叩

對袁總統來書

(三一)

念年契濶懷想匪任每讀大著救世苦心昭然若揭賢者有益人國於茲確信比大難相平百廢待興方思與天下之才共天下之事洛社故人河汾弟子咸占彙進宏濟艱難憂國如公甯容獨善立盼戾止論道匡時敬具蒲輪以俟君子

致曲阜孔教會書

少霽賢兄先生執事前得書即發電旋得總統覆電即將來往電鈔呈並鈔電函  
告山東行政公署令其知照即日再得總統第二電鈔白呈覽則內務部已改其  
禁孔教會之意矣政府改過不吝事已轉圜鄙人並鈔白來往電徧函各省都督  
民政長令其轉飭地方官保護孔教會孔道會矣山東人心想可安定望並知會  
孔道會再者正發函間得書知高省長回文已有轉圜當必接政府電飭而改易  
矣至慰執事任道堅勇不勝傾佩鄙人仰泰山思曲阜久矣然而不能者續經在  
躬且別自有故詳積之函承命派幹事長來曲阜此自公之虛心夫誰能比執事  
者或擇人以從執事之後容當思之

上袁總統書

袁大總統鑒自居廬銜恤日營葬地加姊病綿悵延冬涉春醫藥罔效憂痛相繼  
故百事謝絕重違嘉招頃閱報言北業牽及鄙名聞之駭怪天以去夏國勢爭攘  
大黨勢眾彌滿全國謬見推擁南北頻煩僕猶力却此公所知其他各黨推戴者  
莫不謝却安有今朝觀謳歌天下安定乃始交通宵小則雖至愚不為惟獵肉可

甘集矢之的虛名過盛假借之媒恐未網易織杯弓滋疑想公明照自察証率仍乞嚴究實據窮治主者僕不足計無令賢者聞而裹足以傷盛治

詣袁總統來書

康先生鑒得佳電恚奸人造謠誣及賢哲篝火帛書萬不足信請勿介意為幸  
袁世凱

致龍督李省長書

子誠都督穎陳省長兄公鑒自粵紙幣低折亂象橫生憂心殷殷重煩兩公高畫通者北案支離竟有牽及鄙名者本已一笑置之惟粵中諸報黨派不一竟有因此生波臚言風聽不可聽聞甚至銀業紙幣因此牽涉者僕用惻惻昨遂飛電慰庭總統請其窮治即得總統覆電今以奉呈並抄正來往兩電附呈台端乞飭下警廳查各報之造作蜚言者按報律待之以靖人心不勝至幸敬請勉安康有為謹白

致徐國務卿書

徐菊人兄鑒國危民瘼俗壞故人復相深慰所望理財息民先在不擾凡辛亥前

歷朝舊章除抵觸共和者復之勿忘教勿棄雖勿失權國猶有望

附徐國務卿來書

康長素先生鑒奉電示承教至佩敬謝道遠渴企莫釋醫時神刺時有餉飲為幸  
覆山東孔道會書

李撫先生執事自戊戌逃難黨禍雲興執事與苾園尚書子靖侍郎並遭黨錮北  
部則李杜齊首東林則高顧並名懷仰高山愛而不見流離絕海久而未歸加復  
劫灰日飛滄桑親歷國事危變大教淪胥悠悠爾心相望不語其為感喟何可言  
耶頃者四海橫流六經掃地上下竟廢陳俎庚子不復橫經論語已付燒薪燬舍  
鞠為茂草國家尊器而忘道學子媚西而棄中或疑為無用而請以迂愚或目為  
過去而不周時用甚且妄人無忌降黜聖

號謂為政治教育哲學之名家儒冠欲溺世相詬病中風狂走大浸稽天吁可痛  
矣頃由門人梁啟超轉來賜書承聞齊魯諸儒大發宏願宏茲

孔道執事靈光蔚然領袖主持宣揚

聖教夫當世良道微之極運忽觀中流砥柱之擎天乃心西悲憂極以喜不知手

之舞之足之蹈之也並承立總會於曲阜廣郡國之推行庶幾聲教四訖為道干  
城人心不死舊學未忘德必有隣道或不墜總會善備宏規大起一一皆如祖所  
敬言也惟承過許推以所長才質朽鈍慚辱大命非所承也豈敢任也惟自昔者  
逾冠之歲先窺百國之書預憂洪水之來深慮教宗之變儒盡焚阮撫羣經而夜  
泣壁聞絲竹念先聖而神悽幸乃發為公羊三世之微言証明禮運大同之奧旨  
推茲大義徧註羣經明撥亂之外尚有升平太平之深微知小康之上猶有天下  
為公之大道道雖並行而不悖泉必時出而為宜故能曲成不遺用以範圍無盡  
不量鄙薄負荷大教羣經註成陳祭庚子而以

孔子改制考先焉故以

孔道推四海而皆準範千世而罔外曾於戍戍進呈各書並表請開

孔教之會不幸竟臺幽囚秦焚遂至餘生瓊尾絕域流亡執禮器而西行抱遺經  
而南渡居夷浮海訂墜守殘海島烟雨註春秋於檳榔嶼中須彌雲霞訂傳記於  
大吉嶺上遭時禁逐十有六年微尚所存居幽彌篤躬逢嘉會寫我素心敢不從  
諸公之後冀少効涓埃之力庶大教之不墜俾斯道以重光中國不亡黔首攸賴

亡人回首西望神州泰山之雲雨彌天沫泗之波瀾沫表曰歸曰歸言懷吾黨努力努力未喪斯文謹布區區惟希明鑒敬問起居不盡悽悽

劉公執事暨會中同志均代致意

孔子二千四百六十四年二月十五日

覆教育部書

亡越異域十有六年迴瞻故國遼隔星漢不預聞政事久矣比者不遺采及詩非辱承大部貽書命作國歌以協雅樂猥以菲才非能承也重以雅意豈敢辭也雖然漢之興也徵魯諸生以作禮樂魯兩生曰禮樂百年而後興今非其時也傳謂人給家足無忿怒之氣無愁怨之思無險詖之心人民美好含哺鼓腹而遊然後太平成而頌聲作夫樂者感物而動故治國之音雄以樂亂國之音亂以厲亡國之音哀以思吾嘗遊印度緬甸爪哇安南而聞其樂哀澀嗚咽斷續不成聲信乎亡國之樂也又遊突厥暹羅波斯而聞其樂哀繁亂嘈信乎亂國之樂也然聞政樂則高明廣大庶幾夏聲雖強武豪激非韶奏石聲之和乎然真治強之樂也乃知先聖謂家功昭德應政而作非迂論也今吾國生民塗炭國勢搶攘道揆凌夷

法守掃蕩康恥靡盡教化榛蕪名為共和而實共爭共亂日稱博愛而益事殘賊虐殺口倡平等而貴族之階級暗增高談自由而小民之壓困日甚不過與多數暴民以恣睢放蕩破法律棄禮教而已披閱報紙舉國甚覺塵上之聲苟非爭殺亂暴則奪攘矯虔而已以此時而製樂雖使后夔典之師曠倩之研極工商窮精律呂亦必共手札聞之而驚走萬寶常聽之而下淚耳益令國人哀思鄙厲豈有當哉今之亟亟議樂歌者為應接外使潤色文明也實則為步武泰西俾與齊同耳以外人有國樂則吾亦不可無國樂云爾雖然泰西有國教吾何為有國教而自棄之孔子曰禮云禮云玉帛云乎哉樂云樂云鐘鼓云乎哉又曰聲色之於以化民末也蓋樂德有其本不在樂歌之末鄙人遠處絕國聞無聞知悉聽風聲矣聞自共和以來百神廢祀乃至上帝不報本孔子停丁祭天壇鞠為茂草文廟付之榛荆鐘簋簠頓絃歌息絕神祖聖伏禮壞樂崩曹杜鬼謀秦廷天醉嗚呼中國數十年以來未聞有茲大變也頃乃聞部令行飭各直省州縣令將孔廟學田充公以充小學校經費有斯異政舉國惶駭既已廢孔小學童子未知所教俟其長成未知猶得為中國人否也抑將為洪水猛獸也嗚呼哀哉何居我聞此政也抑

或誤效法國之革命舉教產以充公乎則彼新舊教爭所毀者教皇之舊教耳其  
故奉者固在路德之新教也其尊基督如故也猶吾國昔遵荀子鄭康成於文廟  
外而尊孟子程朱云耳於孔子無損也今乃公然收文廟之祭田則是直欲廢黜  
孔子矣在諸公久停丁祭不敬已久甯在此舉然責部主持教化名為教育教者  
文行忠信不知以何為教育者果行育德不知以何為育也夫立國之道廣矣大  
矣博深密微本末精粗莫不備舉然後能為之萬國之聖賢豪傑講求數千載然  
猶難之故曰體不備謂之不成人治道不備謂之不成國吾今者之立國不知治  
道備否若以法治為足則購日本六法全書一冊夜譯而朝布之則吾為法治國  
矣若以法歐美為足則今固改朔易服握手免冠矣人言共和亦共和矣人有國  
會亦國會矣人有政黨亦政黨矣人事選舉亦選舉矣甚且人言各州自立民選  
長吏亦實行之矣凡歐美之至粗劣吐棄者亦既鋪糟飯醎甘其殘羹冷炙矣凡  
吾國之先聖要道先民遺俗亦既掃除滌蕩罔俾易種新邑矣則吾國已治已安  
太平上理矣而何以蒙藏喪失各省割據分崩離析杭棟危顛國勢垂亡將為印  
度波蘭何哉則治效之為得為失果如何耶鄙人既冥且愚不知其由或者教化



之未宜掃絕耶如教化可廢絕也則禮義廉恥四維可不張孝弟忠信貞廉六蟲必當去人心皆欺詐狡偽風俗皆暴惡猾精若猛獸鴛鳥之相殘賊也諸公身不可得安家不可得有國安可得而立哉齊景公曰信如父不父子不子雖有粟吾得而食諸諸公幸留意天下萬國乃至野蠻豈有無教而能為國乎况欲立國於天壤間與歐美競爭乎諸公若以為教未可盡廢也則佛教雖微妙然多出世澹漫之言行於家藏可也若全行於中國未能也基督尊天愛人養魂懺罪施於歐美可也若欲中國行之其能令四萬萬人立舍祠墓之祭而從之乎夫教必協於民俗而後刑為法律政治乃得其宜若不宜於民俗而可強行乎今吾國自有教主宜於吾民俗以為人心風俗之本言奉以為法行奉以為則數十年中心風俗政治得失是非皆在孔教中融鑄洽化合之為一若一旦棄之則舉國四萬萬之人榜徨無所從行持無所措悵悵惘惘不知所之若驚風駭浪泛舟於大霧中迷罔惶恐不知所往也無論孔子之道人道也博大高明範圍外凡食味被色別聲而為人者率由而不能須臾離所謂誰能出不由戶何莫由斯道也即今歐美不能出達道達德之外也就令如今妄人之論以孔子為迂濶而難行古舊

而已。過故以新道德易舊道德為則。今青黃不接之時，新道德未成而舊道德已廢，則令舉國人民在無教化之中矣。新道德未知，經若干聖哲乃能制作，未知經若干歲月乃能化成，而今吾國人民在此若干歲月中無教焉，則陷於洪水猛獸久矣。今舉國人民皆為洪水猛獸，何以為國？則陵谷貿易，反劫變遷，應陽為湖，東海為田，中國為末日矣。為波蘭、印度矣。諸公皆中國人也。千秋萬世亦有子孫，其能忍此乎？夫歐美自有其美者，形而下之物質，誠不可少也。採其長可也。中國亦有其粹者，形而上之德教，誠不可廢也。補其短可也。若震歐美一日之強，則不擇而盡師之，因中國一時之弱，則不擇而盡棄其所有焉。此今東學語所斥為奴隸性之服從主人耳。未聞立國者損益折衷而可若是也。丹墨瑞典昔皆百數十萬人國耳。等吾一大縣耳。而自為文字，自為國教，吾遊其大學，藏其國文之書，將五十萬卷。夫彼豈不知易英德之文於交通最便，而成學最易也。何為為守本國之文字語言，以勞費學者之精神目力哉。蓋不如是，則不能以區區之土地人民而自立國土也。猶太亡國千九百年矣，以能篤守其教，故流離異國而猶太至今不亡。墨西哥國未亡也。而古墨之文字圖畫皆為班人所焚。今墨人所誦服皆班人

先哲之遺言也是所謂永志也印度雖亡而印人爲守其教聯絡日盛大他日英勢稍弱印人即可因教而自立若吾中國一切自棄之而師歐美又棄其教浸假失敗則欲爲印度猶太不可得也願諸公之留意也鄙人久棄於外道長半生足跡徧四洲而三周大地矣日閱數國之報雖朽鈍百無所知然論閱則庶老馬之識途旣與君等生同斯國棟折榱壞僑將壓焉心所謂危亦以告也凡人心重則語長吾敢懸國門而言之曰徧大地百國棄教而立國者未之前聞舍本師而爲人奴尤非智也大部慕歐法美能變舊法若不棄芻蕘垂採鄙言鄙人更有以奉聞者三事焉自古新舊遞嬗之間新國之法未定必用前三之禮樂此實萬國之通義也英類易姓又嘗革命而共和矣而紀綱道揆法守不少變且以習俗爲治號爲不成文憲法故英尤威強於大地也鄙人在南洋購地於雞打親見英人得暹之雞打也一切皆用暹之舊未少易也夫雞打爲巫來由王地至野蠻也英尚不遽易之若英人而盡愚也則可若英人而非盡愚也則是不可不深長思也吾今未易新國舉數千年之道揆法守乃至祭典盡棄之而一切待議院之新議天下古今所未聞也是非草滿洲之命也竄革中國數千年周公孔子之命云爾

且以周公之才吐哺握髮日求七十士而制禮作樂猶須七年今議院之人才不  
如周公歲月須議不能待七年而望革故鼎新勝於數千年損益之法殆無是理  
也且議會開會半年於國政大者七十五件未能開議何暇及於祭祀之禮以為  
無關要急者乎則最速亦待七年後乃克議之則是禮壞樂崩大教廢絕久矣一  
也且吾敬告諸公萬國議院只議租稅耳進而立法耳又進而議行政耳若禮教  
民俗非所宜及也況於祭祀之禮乎若議院而議及之非徒侵官亦且貽笑萬國  
矣諸公而慕歐仿美者其一考之查爾革命後之新憲法第八十條曰舊例如未  
經議院刪除及與民政主體不相違者一概照行吾今應同之無及荒先聖之祭  
上帝之祀而重為萬國笑二也吾又敬告諸公凡共和之國為人民而立憲法煌  
煌只為人民保其安甯秩序生計耳若夫改正朔易服色殊徽號異器械改祀典  
則吾國在昔者專制之政非共和所能行也況乎宗教尤闕民俗之大英滅印度  
緬甸百數十年猶不敢廢其婆羅門教與回教佛教而取其祭田且大地以黃金  
為塔廟者只有二處其一則印度之霸拉赫士其柱大數寸瓦厚半寸皆純黃金  
也其一則緬甸之仰光塔高三百尺歲必鋪金一次凡積千年矣其厚不知若干

寸也仰光鋪金之佛廟吾遊尚有七焉英人非同教者然滅其國而敬其教尚嚴  
吏卒重法律而為保守之若吾國斃此黃金則取之以充國餉久矣此真文野之  
別也豈不恥哉吾遊舍衛給孤獨園佛堂維足山鹿苑佛堂英人非獨不廢且特  
設吏卒撥公帑保守其遺廟焉佛蘭西滅突尼斯數十年猶不敢滅其教而取其  
祭田卽突厥之暴滅布加利牙塞維五百年猶不敢廢其希臘教而取其祭田卽  
今俄滅波蘭芬蘭百餘年尚不敢滅其教而取其祭田萬國中或有暴主豪酋敢  
以強權妄犯教宗者則舉國叛之大啟兵禍德三十年之教爭死人千八百萬矣  
地於四海無算德分裂良微至今尚僅偏安而與與對立為犯教怒也公等甯不  
畏之乎故大地自回教以兵力行教外萬國未之有聞也今中國猶是孔教也四  
萬萬餘人其從耶教從佛教者不過數百萬從回教者千數百萬而止矣餘四萬  
萬殆猶是孔教也假大部與諸公乃由外國入主中華兵力滂大尚不敢犯四萬  
萬人之國教而收其祀田况大部與諸公猶是中國人乎以各國異教暴主豪酋  
謬挾強權妄犯宗教猶編舉國之怒合而叛之大戰三十年大部與諸公有幾何  
權力乃能以數日之在位而行萬國異教暴主所不敢行之事乎幸今四萬萬國

人未之知耳。又久服從於專制國下。未知歐國之例耳。又未審共和國之法耳。故大部行此巨變之政。犯全國之怒。尚能安然無事。倘如歐俗有此巨變。則國民咸操戈而起。與政府諸公從事。諸公數人能當數萬萬人之怒乎。故大部只能恪守數千年之舊章。無更革祭祀之權。更無收孔廟祭田之權。三也。幸大部留意焉。若大部垂採鄙言。收回成命。不廢丁祭。保存祀田。猶聞絲竹春秋之俎。豆革羊永奉廟堂。黍稷之原。田廬。則天下聞風。猶知嚮往。大教未墜。人心不死。中國有望也。鄙人詠仁。蹈德。鼓舞軒裳。願為揚律。再廣天馬之樂章。樂寫歌詩。願作中和之樂。職惟大部教之。不勝惶悚屏營之至。康有為白。

請剪髮易服摺

奏為請斷髮易服。改元以與國民。更始恭摺仰祈聖鑒事。竊惟非常之原。黎民所懼。易舊之事。人情所難。自古大有為之君。必善審時勢之宜。非通變不足以宜民。非更新不足以救國。且非改視易聽。不足以一國民之趨向。振國民之精神。故孔子于禮通三統之義。于春秋立三世之法。當新朝必改正朔。易服色。殊徽號。異器械。而漢武帝當守文之中世。定禮樂而改曆服。魏文帝承祖宗之強威。建都邑而

易服色皆以更新善治為法後世。若夫當列國爭強之世，尤重尚武。故舉中國儒  
緩之俗，一變致強，其道尤難。故趙武靈王將有事於滅胡，則變服而騎；齊桓公將  
欲有事於中原，則易短衣而霸；而魏文帝趙主父變其國俗，易其祖舊父兄羣臣  
守舊之彥，雖然力爭，而二主終斷行之。遂致治強，英風霸烈，焜耀無盡。豈非善獨  
得通變之宜哉？然是四主者所遇之世，尚非迫於必變之時也。今則萬國交通，一  
切趨於尚同，而吾以一國衣服獨異，則情意不親，邦交不結矣。且今物質修明，尤  
尚機器，辨髮長垂，行動搖舞，誤纏機器，可以立死。今為機器之世，多機器則強，少  
機器則弱，辨髮與機器不相容者也。且兵爭之世，執戈跨馬，辨尤不便，其勢不能  
不去之。歐美百數十年前，人皆辨髮也。至近數十年，機器日新，兵事日精，乃盡剪  
之。今既舉國皆兵，斷髮之俗，萬國同風矣。且垂髮既易污衣，而蓄髮尤增多垢衣。  
污則觀瞻不美，沐難則衛生非宜，梳刮則費時甚多。若在外國為外人指笑兒童  
牽弄，既緣國弱，尤遺戲侮，斥為豚尾，出入不便，去之無損，留之反勞。斷髮雖始於  
熱地之印度，創於尚武之羅馬，而秦伯至德，端委治吳，何嘗不先行斷髮哉？夫五  
帝不沿禮，三王不襲樂，但在通時變以宜民耳。故俄彼得游鬼而歸國，日明治變

法伊始皆先行斷髮易服之制。豈不畏矯舊易俗之難哉。蓋欲以改民視聽。導民尚武。與歐美同俗。而習忘之。以為親好。故不憚專制。強力以易之也。且夫立國之得失。在乎治法。在乎人心。誠不在乎服制也。然以數千年一統。儒緩之中國。褒衣博帶。長跣雅步。而施之萬國。競爭之世。亦猶佩玉鳴琚。以走趨救火也。誠非所宜矣。竊聞德之胄子。以拔刀為戲。以面斑為榮。雖好勇。聞狼不足為訓。然其尚武。至於如是也。夫是以強。然吾兵服亦復寬衣博袖。懸於各國博物院。與金甲相比較。豈不重可怪笑哉。夫西服未文。然衣制嚴肅。領袖白潔。衣長後袵。乃孔子三統之一大冠。似箕為漢世士夫之遺。革鳥為楚靈王之製。短衣為齊桓公之服。故發尚武之風。趨高同之俗。上法秦伯王父。齊桓。魏文之風。風外取俄彼得日明治之變。法皇上身先斷髮易服。明詔天下。同時斷髮。與民更始。令百官易服。而朝其小民。一聽其使。則舉國尚武之風。躍躍欲振。更新之氣。光徹大地。雖守舊國。蔽之夫覽鏡觀影。亦不得不使徇維新之令。而無復敢為公孫成等之阻撓矣。其於推行維新之政。猶順風而披偃草也。抑臣更有請者。將行實政。尤在先播聲靈。元曆何闕。實事而人心尤多繫之。昔日本明治元年。大誓維新。定布五條。今皇上決行維新。亦



宜大誓改之以昭國是定民志伏乞大集群臣誓於天壇太廟上告天祖下告臣民亦若日本布告五事即以今年改元為維新之年與天下更始俾舉國臣民迴首面內改視易聽同奉聖意咸與維新其於震動舉國之精神必有大效伏惟聖意裁督維新幸甚中國幸甚

請廣開學校以養人才摺

奏為請廣開學校以養人才恭摺仰祈聖鑒事竊臣以狂愚請廢八股荷蒙聖明嘉納立下明詔施行薄海迴風洗濯固陋或更新厲學以贊休明夫以十年之弊俗而一旦掃除之非皇上之神武英斷何能致此豈愚臣之夢寐寤思所能及也天下回首面內想望更化之善治肇應十載之昌期在我皇上矣其鼓盪國民振厲維新精神至大宜止區區科舉一事已哉雖然譬諸治病既以吐下而去其宿疴即宜急補養以培其中氣則今者廣開學校為最要矣吾國周時國有大學國學小學之等鄉有黨序里塾之分教法有詩書禮樂爰版羽籥言說射御書數方名之繁人自八歲至十五歲皆入大小學為國立學莫我之先且備矣詩曰周王壽考遐不作人言文王於人才作而致之非積自然生而有之也故芘其野

人可為干城腹心。介冑武夫能說詩書禮樂。人才既多則國命延洪。故作人則能  
壽致也。後世不立學校。但設科舉。是徒因其生而有之。非有以作而致之。故人才  
鮮少。不周於用也。臣不引遠古。請近於今。歐美各國。而知其故矣。歐美之作其  
國民為人才也。當吾明世。乃始立學。僅從僧侶。但教貴族。至不足適及。近百年間。  
文學大興。普之先王。大非特力。館法名士。寓多於其生。蘇詩宮而師之。聘百羅斯  
其於瑞士。而創國民學。令鄉皆立小學。限舉國之民。自七歲以上。必入之教。以文  
史算數。輿地物理。歌樂。八年而卒業。其不入學者。罰其父母。縣立中學。十四歲而  
入。增教諸科。尤深者。兼各國文務。為應用之學。其初等科二年。高等科二年。初等  
二年者。中學必應卒業者也。自是而入專門學者。聽之專門者。凡農商。礦林。機器  
工程。駕駛。凡人間一事一藝者。皆有學。皆為專門也。凡中學專門學。卒業者。皆可  
入大學。其教。凡經學。哲學。律學。醫學。四科。自是各國。以普之國民學。為師。皆效法  
焉。英大學。分文史算。印度學。阿喇伯學。遠東學。於哲學中。別自為科。美則加農工商  
於大學。日本從之。夫學至於專門。止矣。其所謂大學。不過合各專門之高等學。多  
數為之。大聚天下之圖書儀器。以博其見聞。廣延各國之鴻博碩學。專門名家。以

得其指導而羣一國之學者優游漸漬講求激厲而自得之凡各州能備此者皆可謂為大學非徒在國都而已總而言之小學中學者教所以為國民以為己國之用皆人民之普通學也高等通門學者教人民之應用以為執業者也大學者猶高等學也磨之磨之精之深之以為長為師為士大夫者也其條理至詳科學至繁荷蘭比利時瑞典丹麥以嚴爾國而能獨立者以諸學並立大學歸然人才不可勝用故也普勝法後俾士麥指學生語之曰我之勝法在學生而不在兵以百業千器萬技皆出於學作而成之故也彼分途教成國民之才如此其繁詳也我乃觀一國之民以從事於八股枯因搭截之題斯人才而絕之故以萬里之大國四萬萬之人民而才不足立國也近日日本勝我亦非其將相兵士能勝我也其國偏設各學才藝足用實能勝我也吾國任舉一政一藝無人通之蓋先未嘗教養以作成之天下豈有石田而能慶多稼者哉今其害大見矣不可不亟設學以育成之矣今各國之學其精於德國民之義亦倡於德日文同文比鄰亦可採擇請遠法德國近採日本以定學制乞下明詔偏令省府縣鄉興學鄉立小學令民七歲以上皆入學縣立中學其省府能立專門高等學大學各量其力皆立國

書儀器館京師議立大學數年矣宜督促早成之以建首善而觀萬國夫養人才猶種樹也某室可不月而就種樹非數年不陰今變法百事可急就而興學養才不可以一日致也故臣請立學亟亟也若其設師範分科學撰課本定章程其事至繁非專立學部妙選人才不能致效也惟聖明留意幸察伏乞皇上聖鑒謹奏  
請廣譯日本書大派游學摺

奏為請廣譯日本書大派游學以通世界之識養有用之才恭摺仰祈聖鑒事竊頃東事天敗割臺灣賠巨萬舉國痛之臣以為此非日本之勝我也乃吾閉關之自敗而人才之不足用也夫中國萬里之廣土五千年文明之古國以文學教化自尊高於大地者也以風音環我皆諸番野蠻未開化者故鄙為夷狄又皆遠學於我而日本政法文學亦自我出故足已無待輕視一切此中國人數千年之積習非一日矣其學者所事學八股試帖讀四書五經而外無他學矣其號稱博學方聞之士則有義理考據掌故詞章與地金石諸學通之者耶縣寡得其人然問以新世五洲之輿地國土政教藝俗蓋皆茫然無睹瞪目橋舌若罔聞知粹以投之大地交通萬國之世以當各國之新法新學新器安有不敗者哉蓋人才之育

替不足用也數千年閉關自足使然也吾永永閉關以為今之世猶古之世也而不意自嘉慶之世汽船駛出道光之世電線忽成咸豐之代鐵艦創行同治之朝鐵路交通近乃電話四達於是諸歐挾其異器橫行宇內嗚矣全球若天上諸星之忽下於地也遂破吾數千年久閉之重關驚吾久睡之大夢而入吾之門登吾之堂處吾之室矣自爾之後吾中國為列國競爭之世而非一統閉關之時矣列國競爭者政治工藝文學知識一切相通相比始能並立稍有不合即在淘汰敗亡之列矣而吾乃以宿昔閉關之俗對待之天已大雪不覓爐裘而尚葛屨履霜前橫大河不具舟航而以方車渡水具有不寒斃而溺死者乎我國今勢何以異此日本昔亦閉關也而早變法早派遊學以學諸歐之政治工藝文學知識早譯其書而善其治是以有今日之強而勝我也吾今自救之圖宜有異術哉亦亟亟變法亟亟遊學以學歐美之政治工藝文學知識大譯其書以善其治則以吾國之大人民之多其易致治強可倍速過於日本也今以吾國人士至卿大夫此一國之託命者也其聰明才智宜為乏人欲講求外國之政治文學工藝知識亦夥矣然苦於故通之而無其道也以無各國之書故也昔者大學士曾國藩嘗開製

造局於上海以譯書於今四十年矣其天津福建廣州亦時有所譯然皆譯歐美之書其途至難成書至少既無通學以主持之皆譯農工兵至舊非要之書不足以發人士之通識也徒費歲月糜巨款而已臣愚願願思之以為日本與我同文也其變法至今三十年凡歐美政治文學武備新識之佳書咸譯矣但工藝少闕不如歐美耳譯日本之書為我文字者十之八其成事至少其費日無多也請在京師設譯書局妙選通人主之聽其延辟通學專選日本政治書之佳者先分科並程譯之不歲月間日本佳書可大畧皆譯也雖然日本新書無數專恃官局為人有幾又佳書日出終不能盡譯也即令各省皆立譯局亦有限矣竊計中國人多最重科第進以榮於鄉而進可仕於朝其類至窄其得至難也諸生有視科第得失為性命者僅以策論取之亦豈益哉臣愚請下令士人能譯日本書者皆大賚之若重生譯日本書一種五萬字以上者一試其學論通者給附生附生給增生譯日本書三萬字以上者試論通皆給廩生廩生則升貢生凡諸生譯日本書過十萬字以上者試其學論通者給舉人舉人給進士進士給翰林庶官皆晉一職應譯之書由京師譯書局分科布告書目以省重複其譯成之書皆呈於譯月

書局譯局驗其文可乃發於各省學政試可給而第舉人以上至庶官則譯局每月稟奏而請旨考試給之若行此乎以吾國百萬童生二十萬之諸生一萬之舉人數千之散僚必皆竭力從事於譯日本書矣若此則不費國帑而日本厚書可二三年而盡譯於中國矣吾人士各因其性之所近而研究之以成通才何可量數故臣之請譯日本書局之便也若派遊學乎則宜在歐美矣書者空言也實行之事非深久遊入其學校尚慮不能深明之且歐美近今之盛實以物質故汽力之為用倍人力者三十而國勢之富威強亦三十倍夫物質之學此又非可以譯書得也請大籌學費或令各縣分籌之大縣三人中縣二人小學一人皆舉其縣之秀者而其縣自善供其費吾千五百縣以通縣計二人驟得三千遊學生矣律醫二者我所不須自哲學海陸軍化電尤重農工商礦工程機器皆我所無亟宜分學每科有二三百人矣其後歲歲議增及理財既成增派無數六年之後立國之才庶幾有恃若派學生於歐洲以德為宜以德之國體同我而文學最精也若法民主於吾國體不宜歐東多變履車可鑒惟日本道近聽人士負笈自往遊學但優其獎導東遊自眾不必多煩官費但師範速成之學今急於須才則不得已

就學於東。昔日本變法之始，派游學生於歐美，至於萬數千人，歸而執一國之政，為百業之師，其成效也。此臣所以請派歐美游學也。我皇上憂國如膳，念人才乞下明詔，亟開譯書局，並籌遣游學，其於作成人材，以供國用，至大計也。伏惟皇上聖鑒，謹奏。

請定立憲開國會摺

戊戌七月

奏為請定立憲開國會以安中國恭摺仰祈聖鑒事。竊頃者東敗於日，遼臺既割，膠旅繼踵，臣每憂國危，未嘗不仰天而歎也。及聞皇上聖武發憤變法，維新臣不禁軒鼓舞舞，歡欣忭蹈，以為堯舜復出也。方今變法可陳之事萬千，臣生逢堯舜之世，矣安敢以枝節瑣末之言上瀆堯舜之君哉。臣竊聞東西各國之強，皆以立憲法開國會之故。國會者君與國民共議一國之政法也。蓋自三權鼎立之說出，以國會立法，以法官司法，以政府行政，而人主總之立定憲法，同受治焉。人主尊為神聖，不受責承，而政府代之。東西各國皆行此政體，故人君與千百萬之國民合為一體，國安得不強。吾國行專制政體，一君與大臣數人共治其國，國安得不弱。蓋千百萬之勝於數人者，自然之數矣。其在吾國之義，則曰天視自我民。



視天聽自我民聽故曰民之所好好之民之所惡惡之是故黃帝清問下民則有  
 合宮堯舜詢於芻蕘則有總章盤庚命眾至庭周禮詢國危疑洪範備謀及卿士  
 謀及庶人孟子稱大夫皆曰國人皆曰蓋皆為國會之前型而分上下議院之意  
 焉春秋改制即立憲法後王奉之以至於今蓋吾國君民久皆在法治之中惜無  
 國會以維持耳今各國所行實得吾先聖之經義故以致強吾有經義存之空文  
 而不行故以致弱然此實治國之大經為政之公理不可易矣今變行新法固為  
 治強之計然臣竊謂政有本末不先定其本而徒從事於其末無當也春秋之也  
 據亂之後進以升平上有堯舜之君下乃有堯舜之民伏惟 皇上聖明神武  
 撥亂反正真堯舜之君也伏乞上師堯舜三代外採東西強國立行憲法大開國  
 會以庶政與國民共之行三權鼎立之制則中國之治強可計日待也若臣言可  
 採乞下廷議施行若其憲法綱目議院條例選舉章程東西各國成規俱在在一  
 採酌行之耳則 皇上之聖治駕漢軼唐超宋邁明而上之宜止治強中國而已  
 哉孟子曰非堯舜之道不敢以陳臣愚冒昧上聞不勝恐懼屏營之至伏乞 皇  
 上聖鑒謹奏